

არასამეწარმეო (არაკომერციული) იურიდიული პირი
„ქალაქ რუსთავის საბავშვო ბაგა-ბაღების გაერთიანება“



გამარტივებული ელექტრონული ტენდერის საშუალებით

ა(ა)იპ „ქალაქ რუსთავის საბავშვო ბაგა-ბაღების გაერთიანების“ ფილიალებისათვის სათამაშო
მოედნის აღჭურვილობის (ატრაქციონების) შესყიდვის სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონისა და სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ საფუძველზე

ქ. რუსთავი, 2015 წ.

სარჩევი

1. ტექნიკური დავალება	3
2. ხელშეკრულების პროექტი	6
3. დანართი №1	10
4. დანართი №2	11
5. დანართი №3	12
6. დანართი №4	13

ტექნიკური დავალება

სახელმწიფო შესყიდვების ერთიან ელექტრონულ სისტემაში სატენდერო წინადადების წარდგენით პრეტენდენტი ავტომატურად გამოხატავს თანხმობას სატენდერო დოკუმენტაციაში განსაზღვრულ მოთხოვნებზე

1. შესყიდვის ობიექტი:

ა(ა)იპ „ქალაქ რუსთავის საბავშვო ბაგა-ბაღების გაერთიანების“ ფილიალებისათვის სათამაშო მოედნის აღჭურვილობის (ატრაქციონების) შესყიდვა.

2. შესყიდვის ობიექტის ტექნიკური პირობები და საგარანტიო ვადა:

2.1. შესყიდვის ობიექტის ტექ. მახასიათებლები და რაოდენობა:

№	დასახელება	მინიმალური კომპლექტაცია და აღწერილობა	განზ.	რაოდ.
1	2	3	4	5
1	ატრაქციონი №1	ერთი გვირაბის ტიპის სასრილო, ერთი ორზოლიანი სასრილო, ერთი წრიული სასრილო, ასასვლელი კიბე მოაჯირებით, ერთი დეკორატიული ელემენტებით გაფორმებული სახურავი, ერთი დამოუკიდებელი დეკორატიული ელემენტი, ერთი საქანელა. ატრაქციონის მთლიანი ზომები არანაკლებ: 560X480X300სმ. საყრდენი ბოძები, მოაჯირი და საქანელა დამზადებული უნდა იყოს გალვანიზირებული მეტალით და შეღებილი ელექტრო-სტატიკური (თერმული) ღებვის წესით. საფეხურები და პლათფორმა დამზადებული მეტალით და დაფარული PVC-ით. პლასტმასის დეტალები დამზადებული უნდა იყოს წრფივი დაბალი სიმკვრივის პოლიეთილენისაგან, როტაციული ჩამოსხმის მეთოდით. ესკიზი №1-ის ანალოგიური	კომპ.	1
2	ატრაქციონი №2	ერთი ორზოლიანი სასრილო, ერთი ერთზოლიანი სასრილო, ერთი წრიული სასრილო, ერთი ასასვლელი კიბე მოაჯირებით, ერთი დეკორატიული ელემენტებით გაფორმებული სახურავი, ერთი დამოუკიდებელი დეკორატიული ელემენტი, ატრაქციონის მთლიანი ზომები: არანაკლებ 490X370X330სმ. საყრდენი ბოძები და მოაჯირი დამზადებული უნდა იყოს გალვანიზირებული მეტალით და შეღებილი ელექტრო-სტატიკური (თერმული) ღებვის წესით. საფეხურები და პლათფორმა დამზადებული მეტალით და დაფარული PVC-ით. პლასტმასის დეტალები დამზადებული უნდა იყოს წრფივი დაბალი სიმკვრივის პოლიეთილენისაგან, როტაციული ჩამოსხმის მეთოდით. ესკიზი №2-ის ანალოგიური	კომპ.	1

3	ატრაქციონი №3	ერთი სასრილო, ერთი ასასვლელი კიბე მოაჯირებით, ერთ გვერდზე კალათბურთის ფარი, პლასტმასის დეტალები დამზადებული უნდა პოლიპროპილენით, ატრაქციონის მთლიანი ზომები: 161X83X103სმ. ესკიზი №3-ის ანალოგიური	კომპ.	1
4	ატრაქციონი №4	ერთი დატალღული სასრილო, ერთი ასასვლელი კიბე მოაჯირებით, ერთ გვერდზე კალათბურთის ფარი ერთი დამოუკიდებლად მდგარი საქანელა გაფორმებული დეკორატიული ელემენტებით, პლასტმასის დეტალები დამზადებული უნდა პოლიპროპილენით ატრაქციონის მთლიანი ზომები: 170X173X138სმ. ესკიზი №4-ის ანალოგიური	კომპ.	1
5	ატრაქციონი №5	ერთი დატალღული სასრილო, ერთი ასასვლელი კიბე მოაჯირებით, ერთ გვერდზე კალათბურთის ფარი, ერთი სათამაშოების კუთხე გაფორმებული დეკორატიული ელემენტებით, ფერადი სათამაშო ბურთულები დიამეტრით არანაკლებ 6სმ , რ-ბა არანაკლებ 200 ცალი, დამზადებული პოლიეთილენით, ატრაქციონის პლასტმასის დეტალები დამზადებული უნდა პოლიპროპილენით ატრაქციონის მთლიანი ზომები: 250X130X108სმ. ესკიზი №5-ის ანალოგიური	კომპ.	1

- 2.2. სასურველი ატრაქციონების მსგავსი ესკიზები მოცემულია დანართში №4;
- 2.3. მიმწოდებელმა უნდა ჩაატაროს წინა სამონტაჟო მოსამზადებელი სამუშაოები. კერძოდ: სამონტაჟო ტერიტორიის გასუფთავება, მოსწორება და მიწის დატკეპნვა (საჭიროებისამებრ ზედმეტი გრუნტის მოჭრა და ტერიტორიიდან გატანა);
- 2.4. №1 და №2 ატრაქციონების საყრდენი ბოძების დამონტაჟება უნდა განხორციელდეს არანაკლებ 30X30სმ-ზე ჩაბეტონებულ ჩასატანებელ დეტალებზე;
- 2.5. ატრაქციონები განკუთვნილი უნდა იყოს 2 დან 7 წლამდე ბავშვებისთვის;
- 2.6. ატრაქციონები უნდა იყოს ახალი და დამზადებული ქარხნული წესით, გამოყენებული მასალები უნდა იყოს ეკოლოგიურად სუფთა და განკუთვნილი ღია ცის ქვეშ გამოყენებისთვის;
- 2.7. საქონლის ექსპლუატაციის საგარანტიო ვადა უნდა შეადგენდეს არანაკლებ 1 (ერთი) წელს მიწოდების მომენტიდან. საგარანტიო ვადის პერიოდში საქონელი სწორი მოხმარების პირობებში უნდა ინარჩუნებდეს თვისობრივ და ხარისხობრივ მაჩვენებლებს;
- 2.8. მიწოდების ან/და საგარანტიო ვადის პერიოდში უხარისხო, დაზიანებული და ზომებთან შეუსაბამო საქონლის აღმოჩენის შემთხვევაში მიმწოდებელმა ყოველგვარი წინა პირობის გარეშე არაუმეტეს 5 სამუშაო დღის ვადაში უნდა გამოასწოროს გამოვლენილი ნაკლოვანებები ან შეცვალოს ისინი ახლით.

3. სატენდერო წინადადების ფასი და ანგარიშსწორების პირობები:

- 3.1. სატენდერო წინადადებაში საერთო და ერთეულის ფასი უნდა მოიცავდეს საქონლის მიწოდებასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს, მ.შ. ტრანსპორტირებისა და მონტაჟის ხარჯს;
- 3.2. ანგარიშსწორება იწარმოებს უნაღდო ანგარიშსწორებით ეროვნულ ვალუტაში;
- 3.3. წინასწარი ანგარიშსწორება არ გამოიყენება;
- 3.4. ანგარიშსწორება განხორციელდება ეტაპობრივად ან ერთჯერადად, მიღება-ჩაბარების აქტის გაფორმებიდან 20 (ოცი) სამუშაო დღის განმავლობაში.

4. სააქონლის მიწოდების ვადა და ადგილი:

- 4.1. მიწოდების ვადა: საქონლის მიწოდება განხორციელდება ეტაპობრივად ან ერთჯერადად, ხელშეკრულების გაფორმებიდან 70 (სამოცდაათი) კალენდარულ დღეში, მაგრამ არაუგვიანეს 2015 წლის 25 დეკემბრისა.
- 4.2. მიწოდების ადგილი: ქ. რუსთავი, ააიპ ქალაქ რუსთავის ბაგა-ბაღების გაერთიანების ფილიალები, ატრაქციონების დამონტაჟების ზუსტი ადგილი მიმწოდებელს ეცნობება ხელშეკრულების გაფორმების პერიოდში.

5. სხვა მოთხოვნები:

- 5.1. გამარჯვებული პრეტენდენტის მიერ სისტემაში დაფიქსირებულ საბოლოო ფასსა და სავარაუდო ღირებულებას შორის 20%-იანი და მეტი სხვაობისას პრეტენდენტმა უნდა დაასაბუთოს ფასწარმოქმნის ადექვატურობა და ამ ფასად ტენდერით გათვალისწინებული ვალდებულების სრულფასოვნად შესრულების შესაძლებლობა, კერძოდ, პრეტენდენტი ვალდებულია წარმოადგინოს ლიცენზირებული ექსპერტის (სერტიფიცირებული აუდიტის) შესაბამისი დასკვნა, შემსყიდველის მოთხოვნიდან 10 (ათი) სამუშაო დღის ვადაში. ზემოაღნიშნული მოთხოვნების შეუსრულებლობა გამოიწვევს პრეტენდენტის დისკვალიფიკაციას
- 5.2. პრეტენდენტს არ აქვს უფლება წარმოადგინოს ალტერნატიული წინადადება.

6. პრეტენდენტის მიერ სისტემაში ასატვირთი დოკუმენტები და ინფორმაცია:

- 6.1. განფასებული დანართი №1 (ფასების ცხრილი)
- 6.2. დანართი №2 (შესყიდვის ობიექტის აღწერილობა და საგარანტიო ვადა);
- 6.3. დანართი №3 (რეკვიზიტები);
- 6.4. შემოთავაზებული ატრაქციონების ესკიზები, შესაბამისობის სერტიფიკატებით.

სახელმწიფო შესყიდვების ერთიან ელექტრონულ სისტემაში წარდგენილი ყველა დოკუმენტი ან/და ინფორმაცია უნდა იყოს ქართულ ენაზე შედგენილი. დოკუმენტების უცხოურ ენაზე წარდგენის შემთხვევაში, მათ უნდა დაერთოს საქართველოს კანონმდებლობით დადგენილი წესით შესრულებული თარგმანები ქართულ ენაზე. ყველა დოკუმენტი ან/და ინფორმაცია ხელმოწერილი და ბეჭედდასმული (ბეჭედის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება) და დასკანერებული „PDF“ ფაილში.

7. დამატებითი ინფორმაცია შეგიძლიათ მიიღოთ შემდეგი საკონტაქტო პირ(ებ)ისაგან

კახაბერ გოშაძე ----- 595 945 685

მანანა ჯიქია ----- 591 013 350

ხელშეკრულება სახელმწიფო შეყიდვის შესახებ № (პროექტი)

ქ. რუსთავი

-- ----- 2015 წ.

ერთის მხრივ, ააიპ „ქალაქ რუსთავის საბავშვო ბაგა-ბაღების გაერთიანება“ (შემდგომში შემსყიდველი) წარმოდგენილი მისი დირექტორის გიორგი მაღლაფერიძის სახით და მეორეს მხრივ ----- (შემდგომში მიმწოდებელი) წარმოდგენილი ----- სახით, საქართველოს მოქმედი კანონმდებლობისა და მიმწოდებლის სატენდერო წინადადების საფუძველზე, SPA----- გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას (შემდგომში ხელშეკრულება) შემდეგზე:

1. შესყიდვის ობიექტი

შესყიდვის ობიექტს წარმოადგენს ააიპ „ქალაქ რუსთავის საბავშვო ბაგა-ბაღების გაერთიანების“ ფილიალებისათვის სათამაშო მოედნის აღჭურვილობის (ატრაქციონების) მიწოდება (შემდგომში საქონელი) - (CPV37535200) წინამდებარე ხელშეკრულების შესაბამისად. სატენდერო დოკუმენტაციის ტექ. დავალებისა და სატენდერო დოკუმენტაციის დანართების გათვალისწინებით, რომლებიც წარმოადგენენ ამ ხელშეკრულების განუყოფელ ნაწილს.

2. ხელშეკრულების ღირებულება

- 2.1. ხელშეკრულების ჯამური ღირებულება შეადგენს ----- ლარს დანართი №1-ის შესაბამისად;
- 2.2. ხელშეკრულების ჯამური ღირებულება მოიცავს საქონლის მიწოდებასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს, მ.შ. ტრანსპორტირებისა და მონტაჟის ხარჯს;

3. ანგარიშსწორება

- 3.1. მიმწოდებელთან ანგარიშსწორება ხორციელდება უნაღდო ანგარიშსწორების ფორმით ეროვნულ ვალუტაში;
- 3.2. ანგარიშსწორება იწარმოებს ეტაპობრივად ან ერთჯერადად, მიწოდებული საქონლის დამადასტურებელი დოკუმენტაციის - მიღება/ჩაბარების აქტისა და შესაბამისი ფინანსური დოკუმენტაციის წარმოდგენიდან 20 (ოცი) სამუშაო დღის განმავლობაში;
- 3.3. წინასწარი ანგარიშსწორება არ გამოიყენება;

4. საქონლის მიწოდების ვადა და ადგილი

- 4.1. საქონლის მიწოდების ადგილი - ქ. რუსთავი, ა(ა)იპ ქალაქ რუსთავის საბავშვო ბაგა-ბაღების გაერთიანების ფილიალები;
- 4.2. საქონლის მიწოდება განხორციელდება ერთჯერადად ან ეტაპობრივად, 2015 წლის ---- --- ----- მდე.

5. შესყიდვის ობიექტის მიღება-ჩაბარების წესი

- 5.1. შესყიდვის ობიექტი ჩაითვლება მიღებულად მხოლოდ მიწოდებული საქონლის დამადასტურებელი მიღება-ჩაბარების აქტის გაფორმების შემდეგ;
- 5.2. შემსყიდველის მხრიდან მიღება-ჩაბარების აქტის ხელმოწერაზე უფლებამოსილი პირები: აა(ა)იპ „ქალაქ რუსთავის ბაგა-ბაღების გაერთიანების“ ინფრასტრუქტურის მონიტორინგის განყოფილების უფროსი, შესაბამისი ფილიალის გამგე და სამეურნეო ნაწილის გამგე.

6. მხარეთა უფლება-მოვალეობები

- 6.1. შემსყიდველი ვალდებულია:
 - ა) დროულად და კეთილსინდისიერად შეასრულოს ხელშეკრულებით ნაკისრი ვალდებულებები,
 - ბ) ხელშეკრულებით გათვალისწინებული საქონლის მიწოდებისას საქმის კურსში დროულად ჩააყენოს მიმწოდებელი ყველა განსაკუთრებული გარემოებების წარმოშობისას,
 - გ) ხელშეკრულების პირობების გათვალისწინებით აუნაზრაუროს მიმწოდებელს მიწოდებული საქონლის ღირებულება.
- 6.2. შემსყიდველი უფლებამოსილია:
 - ა) ხელშეკრულების მიმდინარეობის ნებისმიერ ეტაპზე განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.
- 6.3. მიმწოდებელი ვალდებულია:
 - ა) დროულად და კეთილსინდისიერად შეასრულოს ხელშეკრულებით ნაკისრი ვალდებულება,
 - ბ) დროულად და საკუთარი სახსრებით აღმოფხვრას საქონლის მიწოდებისას გამოვლენილი ხარვეზები,
 - გ) საგარანტიო პერიოდში უზრუნველყოს გამოვლენილი ხარვეზების აღმოფხვრა, თუ იგი არ იქნება გამოწვეული მიმწოდებლისგან დამოუკიდებელი მიზეზების გამო.
- 6.4. მიმწოდებელი უფლებამოსილია:
 - ა) მოსთხოვოს შემსყიდველს გაწეული მიწოდებული საქონლის ღირებულების ანაზღაურება ხელშეკრულებით გათვალისწინებული პირობების დაცვით.

7. ხელშეკრულებით ნაკისრი ვალდებულებების შესრულების კონტროლი

- 7.1. ხელშეკრულებით ნაკისრი ვალდებულებების შესრულების კონტროლს (ინსპექტირება) განახორციელებენ შემსყიდველის მხრიდან მიღება-ჩაბარების აქტის ხელმოწერაზე უფლებამოსილი პირები;
- 7.2. ინსპექტირების გამწევის ფუნქციებია:
 - ა) მიმწოდებლის მიერ მიწოდებული საქონლის ხელშეკრულების პირობებთან შესაბამისობის დადგენის მიზნით სათანადო კონტროლისა და ზედამხედველობის განხორციელება და მიღება-ჩაბარების აქტის გაფორმება,
 - ბ) მიმწოდებელთან ანგარიშსწორების პროცესის რეგულირება,
 - გ) ინსპექტირების გამწევი პირი გამოვლენილ ხარვეზებსა და ნაკლოვანებებს აფიქსირებს ოქმით.
- 7.3. ხელშეკრულებით ნაკისრი ვალდებულებების შესრულებისას გამოვლენილი ყველა ხარვეზისა და ნაკლოვანებების გამოსწორება ხდება მიმწოდებლის მიერ საკუთარი ხარჯებით.

8. ხელშეკრულების პირობების შეუსრულებლობა

- 8.1. მხარეთა მიერ ხელშეკრულებით ნაკისრი ვალდებულებების შესრულების ვადის გადაცილებისათვის მხარეს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,5%-ს ოდენობით;

- 8.2. იმ შემთხვევაში, თუ დაკისრებული პირგასამტეხლოს ჯამური ღირებულება გადააჭარბებს ხელშეკრულების ჯამური ღირებულების 5%-ს შემსყიდველი იტოვებს უფლებას ცალმხრივად შეწყვიტოს ხელშეკრულება და მიმწოდებელს მოსთხოვოს ხელშეკრულების შეწყვეტის მომენტისათვის გადასახდელი პირგასამტეხლოს ანაზრაურება;
- 8.3. პირგასამტეხლოს გადახდა არ ათავისუფლებს მხარეს ძირითადი ვალდებულების შესრულებისაგან.

9. დაუძლეველი ძალა

- 9.1. მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ;
- 9.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებული დაუყონებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებების შესრულებისაგან.
- 9.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

10. ხელშეკრულებაში ცვლილებების შეტანა და ხელშეკრულების შეწყვეტა

- 10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით ურთიერთშეთანხმების საფუძველზე;
- 10.2. თუ რაიმე წინასწარ გაუთვალისწინებელი მიზეზის გამო წარმოიშობა ხელშეკრულების პირობების შეცვლის აუცილებლობა, ცვლილების შეტანის ინიციატორი მხარე ვალდებულია წერილობით შეატყობინოს მეორე მხარეს ამის თაობაზე შესაბამისი მიზეზების მითითებით;
- 10.3. დაუშვებელია ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველის პირობების გაუარესება, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა;
- 10.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.
- 10.5. ხელშეკრულების ერთ-ერთი მხარის მიერ ნაკისრი ვალდებულებების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ;
- 10.6. მხარე ვალდებულია 10.5. პუნქტით გათვალისწინებული გადაწყვეტილების მიღების განზრახვის შესახებ არანაკლებ 3 კალენდარული დღით ადრე წერილობით, ან კომუნიკაციის ელექტრონული საშუალების გამოყენებით აცნობოს მეორე მხარეს;
- 10.7. ხელშეკრულება ასევე შესაძლებელია შეწყდეს მხარეთა ინიციატივით, ურთიერთშეთანხმების საფუძველზე.

11. სადაო საკითხების გადაწყვეტა

- 11.1. წამოჭრილი დავები შესაძლებელია გადაწყვეტილ იქნას ერთობლივი მოლაპარაკების საფუძველზე.
- 11.2. შეთანხმების მიუღწევლობის შემთხვევაში დავების გადასაწყვეტათ მხარეებს უფლება აქვთ მიმართონ სასამართლოს საქართველოს მოქმედი კანონმდებლობის წესით.

12. ხელშეკრულების მოქმედების ვადა

ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს ----

შემსყიდველი

მიმწოდებელი

ფასების ცხრილი

პრეტენდენტის დასახელება _____

სატენდერო წინადადების ფასი _____

№	დასახელება	განზომილება	რაოდენ.	ერთ. ფასი	საერთო ფასი
1	2	3	4	5	6
1	ატრაქციონი №1	კომპლექტი	1		
2	ატრაქციონი №2	კომპლექტი	1		
3	ატრაქციონი №3	კომპლექტი	1		
4	ატრაქციონი №4	კომპლექტი	1		
5	ატრაქციონი №5	კომპლექტი	1		
ჯამი					

(თანამდებობა, სახელი, გვარი)

(ხელმოწერა)

შესყიდვის ობიექტის აღწერილობა და საგარანტიო ვადა

პრეტენდენტის დასახელება -----

№	დასახელება	კომპლექტაცია და აღწერილობა	განზ.	რაოდ.	მწარმოებელი ქვეყანა	მწარმოებელი კომპანია	საგარანტიო ვადა
1	2	3	4	5	6	7	8
1	ატრაქციონი №1		კომპ.	1			
2	ატრაქციონი №2		კომპ.	1			
3	ატრაქციონი №3		კომპ.	1			
4	ატრაქციონი №4		კომპ.	1			
5	ატრაქციონი №5		კომპ.	1			

დანართის მე-3, მე-6, მე-7 და მე-8 სვეტები ივსება პრეტენდენტის მიერ, სატენდერო დოკუმენტაციის ტექ. დავალებითა და დანართებით გათვალისწინებული მოთხოვნის შესაბამისად.

(თანამდებობა, სახელი, გვარი)

(ხელმოწერა)

რეკვიზიტები

პრეტენდენტის დასახელება

ხელმძღვანელის/უფლებამოსილი პირის სახელი და გვარი

იურიდიული/ფაქტიური მისამართი

საიდენტიფიკაციო კოდი

ტელეფონის ნომერი

ელექტრონული მისამართი

მომსახურე ბანკი

ბანკის კოდი

ანგარიშსწორების ანგარიში

პრეტენდენტის ხელმოწერა ბეჭედი

ესკიზები

ესკიზი №1



ესკიზი №2



ესკიზი №3



ესკიზი №4



ესკიზი №5

